

**Broj: UP2-05-13-4-39-31/22**  
**Mostar, 21.9.2023. godine**

Na osnovu člana 37. i člana 51. Zakona o električnoj energiji u Federaciji Bosne i Hercegovine („Službene novine Federacije BiH“, broj 66/13, 94/15, 54/19, 1/22 i 61/22), člana 237. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), te člana 65., člana 70. stav (2) i člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“, broj 57/12, 71/14 i 31/16), kao i člana 24. Opštih uslova za isporuku električne energije – prečišćeni tekst („Službene novine Federacije BiH“, broj 13/23), postupajući po žalbi na Zaključak broj: 03-58-32718-1/2023 od 27.7.2023. godine, koji je donijelo JP Elektroprivreda BiH d.d. – Sarajevo Podružnica „Elektrodistribucija“ Sarajevo, koja je dostavljena FERK-u putem JP Elektroprivreda BiH d.d. – Sarajevo Podružnica „Elektrodistribucija“ Sarajevo 14.8.2023. godine pod brojem UP2-05-13-4-39-23/22, podnosioca žalbe KJKP „Tržnice-Pijace“ d.o.o. Sarajevo zastupano po opunomoćeniku Enveru Smajkanu advokatu iz Sarajeva-Ilidža, i žalbi na isti Zaključak koja je dostavljena FERK-u putem JP Elektroprivreda BiH d.d. – Sarajevo Podružnica „Elektrodistribucija“ Sarajevo 23.8.2023. godine pod brojem UP2-05-13-4-39-24/22, podnosioca žalbe „Obnova gradnja“ d.o.o. Sarajevo zastupano po opunomoćeniku Esadu Oruču advokatu iz Advokatskog društva „Oruč & Co“ d.o.o. Sarajevo Regulatorna komisija za energiju u Federaciji Bosne i Hercegovine – FERK je na XIX redovnoj sjednici održanoj u Mostaru dana 21.9.2023. godine, donijela

## **RJEŠENJE**

1. Odbija se žalba KJKP „Tržnice-Pijace“ d.o.o. Sarajevo na Zaključak broj: 03-58-32718-1/2023 od 27.7.2023. godine, koji je donijelo JP Elektroprivreda BiH d.d. – Sarajevo Podružnica „Elektrodistribucija“ Sarajevo, kao neosnovana.
2. Odbija se žalba „Obnova gradnja“ d.o.o. Sarajevo na Zaključak broj: 03-58-32718-1/2023 od 27.7.2023. godine, koji je donijelo JP Elektroprivreda BiH d.d. – Sarajevo Podružnica „Elektrodistribucija“ Sarajevo, kao neosnovana.
3. Ovo rješenje je konačno, te se dispozitiv ovog rješenja objavljuje na oglasnoj tabli i internet stranici FERK-a.

**PREDSJEDAVAJUĆI FERK-a**  
**Mile Srdanović, s.r.**